



## ელექტრონული ტენდერის საშუალებით რუხის საფოსტო სერვისცენტრის ავეჯის შესყიდვის სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის #9 ბრძანების საფუძველზე.

ქ. თბილისი, 2016 წ.

## სარჩევი

|                                                         |   |
|---------------------------------------------------------|---|
| 1. შესყიდვის ობიექტი:.....                              | 3 |
| 2. შესყიდვის ობიექტის მიწოდების ვადები:.....            | 3 |
| 3. შესყიდვის ობიექტის მიწოდების ადგილი:.....            | 3 |
| 4. ტექნიკური დოკუმენტაცია.....                          | 3 |
| 5. სისტემაში ასატვირთი დოკუმენტები და ინფორმაცია: ..... | 4 |
| 6. საგარანტიო ვადები:.....                              | 4 |
| 7. დამატებითი ინფორმაცია:.....                          | 4 |
| 8. ხელშეკრულების პროექტი .....                          | 5 |

## ტექნიკური დავალება

### 1. შესყიდვის ობიექტი:

- 1.1 შესყიდვის ობიექტს წარმოადგენს შპს „საქართველოს ფოსტის“ რუხის საფოსტო სერვის ცენტრის ავეჯი (ტრანსპორტირებით და მონტაჟით).
- 1.2 შესყიდვის ობიექტის დასახელება, რაოდენობა ტექნიკური და ხარისხობრივი მახასიათებლები მოცემულია ტექნიკურ დოკუმენტაციაში.
- 1.3 შესყიდვის ობიექტის სავარაუდო ვიზუალი მოცემულია დანართში #1.

### 2. შესყიდვის ობიექტის მიწოდების ვადები:

შესყიდვის ობიექტის მიწოდება უნდა განხორციელდეს არაუგვიანეს ხელშეკრულების გაფორმებიდან 14 (თოთხმეტი) კალენდარული დღისა.

### 3. შესყიდვის ობიექტის მიწოდების ადგილი:

შესყიდვის ობიექტის მიწოდება განხორციელდება შემდეგ მისამართზე: რუხი, ვუკოლ ბერიძის ქ. №6, სავაჭრო ცენტრი.

### 4. ტექნიკური დოკუმენტაცია

| № | დასახელება | რაოდენობა | ტექნიკური მონაცემები                                                                                                                                                                                    |
|---|------------|-----------|---------------------------------------------------------------------------------------------------------------------------------------------------------------------------------------------------------|
| 1 | მაგიდა     | 1         | 1. 100 % იანი ხელოვნური აკრილის ქვა (მასალა უნდა აკმაყოფილებდეს შემდეგ სერტიფიკატს: ISO 14001)<br>2. ვინილის თვითწებადი ფირი სისქით 0.09 მმ<br>3. მერქან-ბურბუშელიანი ფილა, ლამინირებული (ხის ფაქტურით) |

შენიშვნა: მიწოდებული საქონელი უნდა იყოს მაღალი ხარისხის და შესაბამისად სატენდერო დოკუმენტაციის მოთხოვნებს.

- ა) სატენდერო წინადადების ფასი სახელმწიფო შესყიდვების ერთიან ელექტრონულ სისტემაში (შემდგომში – სისტემა) მითითებული უნდა იქნეს დღგ-ს გარეშე (იმის მიუხედავად არის თუ არა პრეტენდენტი დღგ-ს გადამხდელად რეგისტრირებული). გამარჯვებულ პრეტენდენტთან ხელშეკრულების დადებისას ხელშეკრულების ღირებულებაში დამატებით იქნება გათვალისწინებული დღგ-ს ოდენობა, თუ ხელშეკრულების დადების მომენტისათვის გამარჯვებული პრეტენდენტი არის დღგ-ს გადამხდელად რეგისტრირებული საქართველოს კანონმდებლობის მოთხოვნათა შესაბამისად;
- ბ) შემოთავაზებული ფასი უნდა მოიცავდეს საქონლის ტრანსპორტირების და მონტაჟის ხარჯს;
- გ) მიმწოდებელს არ აქვს უფლება წარმოადგინოს ალტერნატიული წინადადება;
- დ) იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-11 მუხლის 2.1 პუნქტის საფუძველზე, წარმოადგინოს (სისტემაში ატვირთოს) ფასწარმოქმნის ადეკვატურობის დამადასტურებელი დოკუმენტაცია. ფასწარმოქმნის ადეკვატურობა, შესაძლებელია დასაბუთდეს ანგარიშფაქტურით (ინვოისით) ან სსიპ „ლევან სამხარაულის სახელობის ექსპერტიზის ეროვნული ბიუროს“ ან სხვა აკრედიტირებული პირის მიერ გაცემული შესაბამისი დასკვნით (დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.
- ე) ანგარიშსწორება მიმწოდებელთან განხორციელდება მიღება-ჩაბარების აქტის საფუძველზე, მიღება-ჩაბარების აქტზე ხელმოწერიდან არაუგვიანეს 15 (თხუთმეტი) კალენდარული დღისა;

ვ) მიმწოდებელს უნდა გააჩნდეს ანალოგიური საქონლის მიწოდების მინიმუმ 2 (ორი) წლიანი გამოცდილება.

## 5. სისტემაში ასატვირთი დოკუმენტები და ინფორმაცია:

- ა) კომპანიის რეკვიზიტები (საბანკო რეკვიზიტები, ხელმძღვანელობაზე და წარმომადგენლობაზე უფლებამოსილი პირის სახელი და გვარი);
- ბ) აკრილის ქვის (მასალის) წარმოშობის სერტიფიკატი;
- გ) ბოლო 2 (ორი) წლის განმავლობაში (2014-2015) ანალოგიური საქონლის მიწოდების შესახებ ხელშეკრულება შესაბამისი მიღება-ჩაბარებებით;
- დ) აღნიშნულ დოკუმენტებზე ხელმოწერით და სისტემაში ატვირთვით პრეტენდენტი ეთანხმება სატენდერო დოკუმენტაციის ყველა იმ მოთხოვნას, რომელთა შესახებ ინფორმაციის წარდგენა ან/და სახელმწიფო შესყიდვების ერთიან ელექტრონულ სისტემაში ატვირთვა სავალდებულო არ არის;
- ე) პრეტენდენტის მიერ სისტემაში ატვირთული ყველა დოკუმენტაცია ხელმოწერილი უნდა იყოს უფლებამოსილი წარმომადგენლის მიერ.

## 6. საგარანტიო ვადები:

- ა) საქონელზე/მონტაჟზე უნდა გავრცელდეს საგარანტიო ვადა 1 (ერთი) წელი;

## 7. დამატებითი ინფორმაცია:

| საკონტაქტო პირი | მობ./ტელ.    | ელ.ფოსტა                                                       |
|-----------------|--------------|----------------------------------------------------------------|
| შორენა ოსკოპელი | 577 33 40 40 | <a href="mailto:sh.oskopeli@gpost.ge">sh.oskopeli@gpost.ge</a> |

## 8. ხელშეკრულების პროექტი

წინამდებარე დოკუმენტი წარმოადგენს სახელწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

2016 წ.

შპს „საქართველოს ფოსტა“ (შემდგომში - შემსყიდველი), მისი გენერალური დირექტორის პირველი მოადგილის გრიგოლ მატუაშვილის სახით, ერთის მხრივ და . . . . . (შემდგომში - მიმწოდებელი) მისი . . . . . სახით, მეორეს მხრივ, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, SPA. . . . . გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში – ხელშეკრულება) შემდეგზე:

### მუხლი 1. შესყიდვის ობიექტი

1.1 შესყიდვის ობიექტს წარმოადგენს შპს „საქართველოს ფოსტის“ რუხის საფოსტო სერვის ცენტრის ავეჯის (შემდგომში - საქონელი) – (CPV 39100000) შესყიდვა წინამდებარე ხელშეკრულების შესაბამისად, სატენდერო დოკუმენტაციისა და სატენდერო დოკუმენტაციის შესაბამისი დანართების მიხედვით, რომლებიც წარმოადგენენ ამ ხელშეკრულების განუყოფელ ნაწილს.

### მუხლი 2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს . . . . . ( . . . . ) ლარს.
- 2.2. ხელშეკრულების ღირებულება მოიცავს საქონლის მიწოდებასთან დაკავშირებულ ყველა ხარჯს.
- 2.3. მხარეები ანგარიშსწორებას ახორციელებენ ეროვნულ ვალუტაში ამ ხელშეკრულებით გათვალისწინებული საბანკო რეკვიზიტების შესაბამისად, უნაღდო ანგარიშსწორების ფორმით.

### მუხლი 3. საქონლის მიწოდების ადგილი და ვადები

- 3.1. საქონლის მიწოდების ადგილია შპს „საქართველოს ფოსტის“ რუხის საფოსტო სერვის ცენტრი.
- 3.2. მიმწოდებელი ვალდებულია წარმოდგენილი სატენდერო წინადადებით განსაზღვრული საქონელი მიაწოდოს ხელშეკრულების გაფორმებიდან არაუგვიანეს 14 (თოთხმეტი) კალენდარული დღისა.
- 3.3. საქონლის მიწოდებაში იგულისხმება ავეჯის ადგილამდე ტრანსპორტირება და მონტაჟი მიმწოდებლის ხარჯით.

### მუხლი 4. მიღება-ჩაბარების წესი

- 4.1. ანგარიშსწორება მიმწოდებელთან განხორციელდება მიღება-ჩაბარების აქტის საფუძველზე, მიღება-ჩაბარების აქტზე ხელმოწერიდან არაუგვიანეს 15 (თხუთმეტი) კალენდარული დღისა.
- 4.2. საქონლის მიღების დროს შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 4.3. ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტის გაფორმებაზე პასუხისმგებელ პირს შემსყიდველის მხრიდან წარმოადგენს . . . . . (სპეციალურად, ამ საქმისთვის ხელშეკრულები საფუძველზე აყვანილი პირი).

### მუხლი 5. გარანტია

- 5.1. მიმწოდებელი იძლევა გარანტიას, რომ მის მიერ მიწოდებული საქონელი იქნება მაღალი ხარისხის და შეესაბამება სატენდერო დოკუმენტაციის მოთხოვნებს.
- 5.2. წინამდებარე ხელშეკრულების შესაბამისად მიწოდებული საქონლის საგარანტიო ვადები მითითებულია სატენდერო დოკუმენტაციაში.

5.3. საგარანტიო ვადის განმავლობაში მიმწოდებელი ვალდებულია შემსყიდველის მიმართვის შემდეგ არაუგვიანეს 10 (ათი) კალენდარულ დღეში საკუთარი ხარჯებით უზრუნველყოს ექსპლუატაციის პროცესში მიმწოდებლის მიზეზით წარმოქმნილი ხარვეზების აღმოფხვრა.

5.4. თუ მიმწოდებელი საგარანტიო ვადის განმავლობაში საკუთარი ხარჯებით ვერ უზრუნველყოფს ექსპლუატაციის პროცესში წარმოქმნილი ხარვეზების აღმოფხვრას, შემსყიდველი უფლებამოსილია გაფრთხილებიდან 10 (ათი) კალენდარული დღის ამოწურვის შემდეგ მიმართოს სასამართლოს მიყენებული ზიანის ასანაზღაურებლად.

5.5 იმ შემთხვევაში თუ 5.3 პუნქტით განსაზღვრულ ხარვეზის აღმოფხვრას ესაჭიროება 10 (ათი) კალენდარულ დღეზე მეტი, ხარვეზის აღმოფხვრის ვადა შეიძლება გაიზარდოს, შემსყიდველთან შეთანხმებით, არაუმეტეს 30 (ოცდაათი) კალენდარულ დღემდე.

## **მუხლი 6. ანგარიშსწორება**

6.1. ანგარიშსწორება ხორციელდება მიღება-ჩაბარების აქტის საფუძველზე, მიღება-ჩაბარების აქტზე ხელმოწერიდან არაუგვიანეს 15 (თხუთმეტი) კალენდარული დღისა.

## **მუხლი 7. ხელშეკრულებაში ცვლილებების შეტანა**

7.1. ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორების გარდა.

7.2. თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს ამის თაობაზე შესაბამისი მიზეზების მითითებით.

7.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება დაუშვებელია, გარდა საქართველოს სამოქალაქო კოდექსის 398-ე მუხლით და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-20 მუხლით გათვალისწინებული შემთხვევებისა.

7.4. ხელშეკრულების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## **მუხლი 8. მხარეთა უფლება-მოვალეობები**

8.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

8.2. შემსყიდველი ვალდებულია:

8.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

8.2.2. ხელშეკრულებით ნაკისრი ვალდებულებების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;

8.2.3. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესრულებული სამუშაოების ღირებულება;

8.2.4. წერილობითი ფორმით დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ.

8.3. შემსყიდველს უფლება აქვს:

8.3.1. განახორციელოს კონტროლი და ზედამხედველობა მიმწოდებლის მიერ ხელშეკრულებების პირობების დაცვაზე;

8.3.2. შეამოწმოს შესყიდვის ობიექტის შესაბამისობა საქართველოში ამ სფეროში მოქმედი ნორმებისა და წესებში გათვალისწინებული ხარისხის კრიტერიუმების, ტექნიკური სპეციფიკაციების, მოქმედი სტანდარტების, სატენდერო დოკუმენტაციისა და მიმწოდებლის მიერ წარმოდგენილი სატენდერო წინადადების გათვალისწინებით;

8.3.3. ხელი მოაწეროს მიღება-ჩაბარების აქტებს.

8.4. მიმწოდებელი ვალდებულია:

8.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

8.4.2. უზრუნველყოს შესყიდვის ობიექტის მიწოდება ხელშეკრულების 3.1 პუნქტით განსაზღვრულ ვადებში;

8.4.3. მიღება-ჩაბარების აქტის გაფორმებიდან 5 (ხუთი) წლის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება, რომ აღნიშნული წუნი (ნაკლოვანებები, დეფექტი)

გამოწვეულია მისი მიზეზით, მიმწოდებელი ვალდებულია აღმოფხვრას წუნი (ნაკლოვანებები, დეფექტი) საკუთარი ხარჯებით.

#### **მუხლი 9. ხელშეკრულების პირობების შეუსრულებლობა**

9.1. მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.

9.2. შემსყიდველი კისრულობს პასუხისმგებლობას ხელშეკრულების 6.1. პუნქტით გათვალისწინებული ანგარიშსწორების ვადების დარღვევისათვის გადაუხადოს პირგასამტეხლოს სახით მიმწოდებელს ვადაგადაცილებული თანხის 0.1% ყოველი ვადაგადაცილებული დღისათვის.

9.3. თუ მიმწოდებელი გადააცილებს შესყიდვის ობიექტის მიწოდების ვადას, მიმწოდებელს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.1%-ის ოდენობით.

9.4. იმ შემთხვევაში, თუ ხელშეკრულების 9.3. პუნქტით გათვალისწინებული პირგასამტეხლოს ოდენობა მიაღწევს მთლიანი სახელშეკრულებო ღირებულების 7%-ს, შემსყიდველს უფლება აქვს ცალმხრივად შეწყვიტოს ხელშეკრულება.

#### **მუხლი 10. დაუძლეველი ძალა**

10.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან.

10.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

#### **მუხლი 11. სადავო საკითხების გადაწყვეტა**

11.1. წამოჭრილი დავები შესაძლებელია გადაწყვეტილ იქნას ერთობლივად მოლაპარაკების საფუძველზე.

11.2. თუ შემსყიდველი და მიმწოდებელი მოლაპარაკების დაწყებიდან 10 (ათი) დღის განმავლობაში ვერ მიაღწევნ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

#### **მუხლი 12. ხელშეკრულების მოქმედების ვადა**

12.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს . . . . ., გარდა ხელშეკრულების 5.2, 5.3, 5.4, 5.5 და 8.4.3 პუნქტებისა. ხელშეკრულების 5.2, 5.3, 5.4 და 5.5 პუნქტები ძალაშია მთლიანი საგარანტიო ვადის განმავლობაში, ხოლო ხელშეკრულების 8.4.3 პუნქტი ძალაშია მიღება-ჩაბარების აქტის მხარეთა მიერ ხელმოწერიდან 1 (ერთი) წლის განმავლობაში.

**შემსყიდველი:**

**მიმწოდებელი:**